



Inatsisartuni ilaasortaq
Simigaq Heilmann, Demokraatit

**Isumaginninnermi ikiorsiissutit pillugit § 37 naapertorlugu
apeqquteqaammut 2019/274-imut akissutit**

Asasara Simigaq

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit isumaginninnermi ikiorsiissutit pillugit. Apeqqutigisatit uanga suliassaqaqarfinnut akisassanngortinneqarsimapput, taakkualu uani ataani akissuteqaqfigivakka.

Ilisimatitsissutigissavara akissutigisakka ataaniittut illup iluani Naalakkersuisoqarfinni suliniummi “Imminut pilersortuuneq annertunerusoq” peqataasunut tusarniaassutigineqarnikummata: Aningaasaqaqarnermut Naalakkersuisoqarfik, Ilinniartitaanermut, Kultureqaqarnermut Ilageeqarnermullu Naalakkersuisoqarfik, kiisalu Isumaginninnermut Inatsisinillu Atortitsinermut Naalakkersuisoqarfik. Taakkualu saniatigut aamma Kalaallit Nunaanni kisitsisinik naatsorsueqqissaartarfik tusarniarneqarsimalluni.

**Apeqqut 1: Naalakkersuisut kisitsisinngorlugu piginerlugu inuit qassit
iliuusissanut pilersaarut piviusunngortittarneraat pisortat ikiorsiissutaannik
pisartagaqaqarnerminni aamma matchgruppe 1-miinnerminni?**

Akissut:

Inuup iliuusissanut pilersaarut “piviusunngortsittanngilaa”, taanna suliassatut imaannaanngitsuunngimmat; iliuusissanut pilersaarut tassaavoq sakkussaq atorneqartussaq ikiorsiissutit innuttaasup pineqartup aqutissaani suliamik ingerlatsisuusoq suleqatigalugu ataavartumik suliffeqalernissamut anguniagaqaqarnerani.

Inatsisit arlaqarput isumaginninnermi aamma suliffeqaqarnermut tunngasumik suliassaqaqarfimmi, iliuusissanut pilersaarusiortarnermut atatillugu aalajangersakkanik imaqartut, ilaatigut suliffeerunnermi ikiorsiissutinut inatsit aamma Inatsisartut peqqussutaat pisortanit ikiorsiissuteqartarnermut. Suliffeerunnermi ikiorsiissutit pillugit inatsimmut oqaaseqaatini nalunaarneqarpoq iliuusissanut pilersaarusiame siunertat makkua aqutissiisuussisuussat: Suliffissaaleqisup ilitsersorneqarnissamik neqeroorfigineqarnissaanik, pikkorissartitsisoqarnissaanik, tamanna

14-08-2019
2019 - 17560
Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanoq.gl
www.naalakkersuisut.gl

pisariaqartinneqarsimappat, sulisinnaanngorsaasoqarnissaanik imaluunniit suliffissamik innersuussisoqarnissaanik.

Kisitsisinik imaluunniit paasissutissanik allanik nassaassaqaanngilaq inuit suliffeqalartartut imaluunniit ilinniagaqalartartut iliuusissanut pilersarusiap kingunerisaanik pillugit.

Apeqqu 2:

Taamaassimappat agguaqatigiissillugu inuup ataatsip qanoq sivisutigisup ingerlanerani iliuusissanut pilersaarut piviusunngortittarpaa?

Akissut:

Immikkuullarissunik kisitsisinik paasissutissanik soqaanngilaq apeqquummut siulianiittumut tunngatillugu, kisianni periarfissaavoq Kalaallit Nunaanni kisitsisinik naatsorsueqqissaartarfiup kisitsisaataanik tiguisinnaaneq, suliffissaaleqisut qanoq sivisutigisumik agguaqatigiissillugu suliffissaaleqisutut nalunaarsorsimasarneri pillugit. Tamatumalu saniatigut suliffissaaleqisunik tulluasaqatigiinnut immikkoortiterisarnermut tunngasunik kisitsisinik paasissutissanik peqarluni. Kalaallit Nunaanni kisitsisinik naatsorsueqqissaartarfiup quppersagaa uaniippoq: stat.gl/

Apeqqu 3:

Pisortat ikiorsiissutaanik tunniussisarneq Naalackersuisut sukateriffigissamaarnerlugu pisortat ikiorsiissutaannik pisartagallit matchgruppe 1-miittut illuatungaani tunniussassaqaqtussanngorlugit?

Akissut:

Majoriaq periarfissaqarpoq pisartagaqarsinnaajunnaarsitsisinnaanermut (suliffeerunnermi ikiorsiissutinik) imaluunniit isumaginnittoqarfiup kinguneqartitsisinnaaneranut (pisortanit ikiorsiissutini). Pisinnaatitsissut aamma malittarisassat nassaassapput, tak. Suliffeerunnermi ikiorsiissutit pillugit Inatsisartut inatsisaat nr. 2, ulloq 15. maj 2014-imeersoq (Kap 5. ”Pineqaatissiisarnermut aalajangersakkat”) aamma ”Nalilersuisarneq inuup pineqartup pisortanit ikiorsiissutinik ingerlaqqittumik pisartagaqarsinnaanerani”.

Isumaginninnermut suliassaqarfimmi aammalu suliffeqarnermut suliassaqarfimmi aqqissuusseqqinnermik suliani naalackersuisooqatigiinnermut isumaqatigiissummi anguniakkat allassimasut naapertorlugit suliat ingerlanneqassapput.

Apeqqu 4:

Naalackersuisut eqqarsaatigisinnaanerlugu inuusuttut 35-t inorlugit ukiullit pisortat ikiorsiissutaannik pisartagaqartut aamma matchgruppe 1-miittut akunnerit 48-t ingerlanerini suliffissarsissunneqartalissasut taakkulu pisortat ikiorsiissutaannik arsaarneqartalissasut suliffimmum innersuunneqartumut naaggaassagaluarunik?

Akissut:

Apeqqummut 3-mut akissut innersuunneqassaaq.

Naalakkersuisut immikkut aalluppaat inuusuttuaqqat immikkut siunnerfiusut, inuit taakkunani ilaasut amerlasuut suliffeqanngimmata imaluunniit ilinniakkamik ingerlatsinatik, aarlerinaateqarlunilu inuit taakkunani inissisimasut sivisuumik suliffissaaleqisuulersinnaaneri, iliuuseqartoqanngippat, - taakkunanilu sapinngisamik siusissuumik iliuuseqartarneq pitsaanerpaavoq.

Apeqqu 5:

Suliamut tunngatillugu soqutiginaatilinnik allanik Naalakkersuisut paasissutissiinnaappat?

Akissut:

Akissutit siulianiittut innersuunneqarput.

Naalakkersuisut pingaartillugu sulissutigaat aaqqissuusseqqinneq imminut ataqatigiissoq, taamaattumillu Naalakkersuisut naalakkersuisoqarfiit assigiinngitsut akornanni suliniut manna aallartissimavaat: ”Imminut pilersorneq annertunerusoq”, inerititaqarfiusussamik suleqatigiinnerusoq Aningaasaqarnermut Naalakkersuisoqarfiup, Ilinniartitaanermut, Kultureqarnermut Ilageeqarnermullu Naalakkersuisoqarfiup, Isumaginninnermut Inatsisinillu Atortitsinnermut Naalakkersuisoqarfiup kiisalu Aatsitassanut Suliffeqarnermullu Naalakkersuisoqarfiup akornanni. Suliniut siunertaqarpoq Naalakkersuisoqarfiit suliassaqarfii akimorlugit suleqatigiinnikkut kommunit peqatigalugit aaqqissuusseqqinnermi iliuusissanik inassuteqaateqarnissamik. Suliffeqarnermut suliassaqarfimmi aaqqissuusseqqinnerusinnaasuni apeqqutaapput suliassaqarfinni allani peqatigisaanik aaqqissuusseqqinnerusinnaasut. Atuarneqarsinnaappullu piumagaanni ”5.4.1 Imminut pilersortuuneq annertunerusoq” uaniittoq ”Politikkikkut aningaasarsiornikkullu nalunaarusiaq 2019”, ugguuna link: <https://naalakkersuisut.gl/~media/Nanoq/Files/Attached%20Files/Finans/GL/Politisk%20Oekonomisk%20Beretning/PØB2019%20KAL.pdf> -ikkut nassaarineqarsinnaasoq Inatsisartullu ukiakkut ataatsimiinneranni sammineqartussaasoq (imm. 10).

Inussiarnersuumik Inuulluaqqusillunga
Med venlig hilsen



Erik Jensen